



JADUAL KHUTBAH JUMAAT SIRI 3/ 2022 (Bulan Mac 2022)

Bil.	Tajuk	Tarikh	Muka Surat
1.	IKTIBAR DARI PERJALANAN AGONG (SEMPENA ISRAK DAN MIKRAJ)	4.3.2022M/ 1 Sya'ban 1443H	3
2.	WAHAI SUAMI, ISTERIMU TIKET KE SYURGA	11.3.2022M/ 8 Sya'ban 1443H	10
3.	27 KALI GANDA	18.3.2022M/ 15 Sya'ban 1443H	13
4.	BERJIRAN HINGGA KE SYURGA	25.3.2022M/ 22 Sya'ban 1443H	18
KHUTBAH KEDUA			24

Percetakan dibiayai:



زكاة قولوا قينغ

No Telefon: 04-549 8088

Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor (Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Ustaz Rosli bin Othman**
Ketua Sektor Pendidikan Islam,
Jabatan Pendidikan Negeri Pulau Pinang
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab (Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





IKTIBAR DARI PERJALANAN AGONG

(4 Mac 2022M/ 1 Syaaban 1443H)

الْحَمْدُ لِلَّهِ الَّذِي أَسْرَى لَيْلًا بِعَبْدِهِ وَرَسُولِهِ الْمَبْعُوثِ رَحْمَةً لِلْعَالَمِينَ،
وَأَرَاهُ مِنْ آيَاتِهِ مَا يَزِدُّهُ بِهَ الْإِيمَانَ وَيَقْوَى بِهِ الْبَقِيَّةُ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ الْمَلِكُ الْحَقُّ الْمُبِينُ،
الَّذِي فَضَّلَ نَبِيَّنَا مُحَمَّدًا عَلَى جَمِيعِ الْأَنْبِيَاءِ وَالْمُرْسَلِينَ.
وَأَشْهَدُ أَنَّ نَبِيَّنَا مُحَمَّدًا عَبْدُهُ وَرَسُولُهُ أَفْضَلُ الْخَلْقِ أَجْمَعِينَ،
صَلَّى اللَّهُ وَسَلَّم عَلَى سَيِّدِنَا مُحَمَّدٍ الْأَمِينِ،
وَعَلَى آلِهِ وَصَحْبِهِ الطَّيِّبِينَ الطَّاهِرِينَ،
وَعَلَى التَّابِعِينَ لَهُمْ بِإِحْسَانٍ إِلَى يَوْمِ الدِّينِ. أَوْصِيَكُمْ وَنَفْسِي بِتَقْوَى اللَّهِ تَعَالَى،
إِتَّقُوا اللَّهَ حَقَّ تُقَاتِهِ، فَقَدْ قَالَ تَعَالَى : يَا أَيُّهَا الَّذِينَ ءَامَنُوا اتَّقُوا اللَّهَ وَلْتَنْظُرْ نَفْسٌ مَّا
قَدَّمَتْ لِغَدٍ وَاتَّقُوا اللَّهَ إِنَّ اللَّهَ خَبِيرٌ بِمَا تَعْمَلُونَ ﴿٧٨﴾

SIDANG JUMAAT YANG DIKASIHI ALLAH,

Di hari yang penuh kemuliaan ini, khatib berpesan kepada diri sendiri serta para jemaah sekalian, bertakwalah sekalian kamu kepada Allah dengan sebenar-benar takwa. Dan janganlah kamu mati melainkan dalam keadaan Islam. Mudah-mudahan asbab ketaatan dan ketakwaan kita kepada Allah سُبْحَانَهُ وَتَعَالَى، segala bala dan ujian segera diangkat oleh Allah.

Sebelum melanjutkan bicara, suka khatib memberi peringatan. Marilah kita berikan sepenuh tumpuan kepada isi kandungan khutbah hari



ini. Sedarlah bahawasanya perbuatan berbual-bual, bermain telefon bimbit atau tidur dengan sengaja adalah perbuatan sia-sia yang boleh menjejaskan kesempurnaan meraih ganjaran pahala. Mimbar pada hari ini akan membicarakan khutbah bertajuk: “**Iktibar Dari Perjalanan Agong**”.

HADIRIN SEKALIAN,

Allah berfirman dalam Surah al-Isra' ayat 1:

سُبْحَنَ الَّذِي أَسْرَى بِعَبْدِهِ لَيْلًا مِّنَ الْمَسْجِدِ الْحَرَامِ إِلَى الْمَسْجِدِ الْأَقْصَا الَّذِي بَرَكْنَا
حَوْلَهُ لِنُرِيَهُ مِنْ آيَاتِنَا إِنَّهُ هُوَ السَّمِيعُ الْبَصِيرُ ﴿١﴾

Maksudnya: “Maha Suci Allah yang telah memperjalankan hamba-Nya (Muhammad) pada malam hari dari Masjid al-Haram (di Mekah) ke Masjid al-Aqsa (di Palestin), yang Kami berkati sekelilingnya, untuk memperlihatkan kepadanya tanda-tanda (kekuasaan dan kebesaran) Kami. Sesungguhnya Allah jualah Yang Maha Mendengar, lagi Maha Mengetahui”.

Israk dan Mikraj merupakan suatu peristiwa Agong yang memperlihatkan kebesaran Allah *سُبْحَانَهُ وَتَعَالَى*. Di samping menunjukkan ketinggian martabat Baginda melalui peristiwa tersebut, Baginda Nabi Muhammad *صَلَّى اللَّهُ عَلَيْهِ وَسَلَّمَ* diperjalankan dari Masjid al-Haram di Mekah ke Masjid al-Aqsa di Palestin. Baginda dibawa sehingga ke *Sidratulmuntaha* (*سِدْرَةُ الْمُنْتَهَى*) seterusnya ke suatu tempat bernama *Mustawa* (*مُسْتَوَى*) untuk bertemu Allah *سُبْحَانَهُ وَتَعَالَى* dan menerima satu kewajipan yang penting iaitu kewajipan menunaikan ibadah solat.

Di dalam peristiwa Agong ini terdapat pelbagai hikmah Allah *سُبْحَانَهُ وَتَعَالَى* yang tersurat dan tersirat. Antaranya memberi ketenangan jiwa kepada Baginda Nabi *صَلَّى اللَّهُ عَلَيْهِ وَسَلَّمَ* setelah mengalami pelbagai halangan dan rintangan dalam perjuangan dakwah di peringkat yang disebut sebagai tahun kesedihan. Baginda diusir dan seruan dakwah Baginda ditolak oleh penduduk Taif. Selain itu, pada tahun yang sama Rasulullah

صَلَّى اللَّهُ عَلَيْهِ وَسَلَّمَ telah kehilangan dua insan yang sangat disayangi dan sangat penting dalam hidupnya iaitu isteri kesayangan Baginda Saidatina Khadijah رَضِيَ اللَّهُ عَنْهَا serta bapa saudaranya Abu Talib.

MUSLIMIN YANG DIMULIAKAN ALLAH,

Terdapat beberapa pengajaran dan hikmah yang dapat kita ambil daripada peristiwa luar biasa ini.

Pertama ialah kepentingan **memelihara solat lima waktu**. Dalam sebuah hadis yang diriwayatkan oleh Saidina Anas bin Malik رَضِيَ اللَّهُ عَنْهُ, pada awalnya Baginda menerima perintah agar diwajibkan untuk solat lima puluh kali sehari semalam untuk umatnya. Namun apabila Baginda bertemu Nabi Musa عَلَيْهِ السَّلَام, Baginda dinasihatkan agar memohon kepada Allah سُبْحَانَهُ وَتَعَالَى supaya dikurangkan jumlah bilangan waktu solat itu sehingga akhirnya berbaki lima waktu sahaja sehari semalam.

Begitulah tinggi dan pentingnya kedudukan solat dalam Islam sehingga perintah kewajipan diterima secara langsung oleh Rasulullah صَلَّى اللَّهُ عَلَيْهِ وَسَلَّمَ daripada Allah سُبْحَانَهُ وَتَعَالَى. Sedangkan ibadat-ibadat lain disampaikan dengan perantaraan Jibril عَلَيْهِ السَّلَام. Dalam sebuah hadis riwayat at-Tirmizi, daripada Muaz bin Jabal رَضِيَ اللَّهُ عَنْهُ, bahawa Nabi صَلَّى اللَّهُ عَلَيْهِ وَسَلَّمَ bersabda:

رَأْسُ الْأَمْرِ الْإِسْلَامُ، وَعَمُودُهُ الصَّلَاةُ، وَذِرْوَةُ سَنَامِهِ الْجِهَادُ

Maksudnya: “Pokok segala urusan adalah Islam, tiangnya adalah solat dan kemuncaknya adalah bermujahadah.”

MUSLIMIN YANG DIRAHMATI ALLAH,

Pengajaran yang kedua daripada peristiwa Agong ini adalah **bersabar dengan ujian daripada Allah سُبْحَانَهُ وَتَعَالَى**. Pastinya



dalam kehidupan seseorang manusia tidak dapat lari daripada menerima sebarang ujian dan masalah. Melalui peristiwa Israk, Nabi Muhammad ﷺ sentiasa cekal dan tabah menghadapi ujian yang pelbagai dalam kehidupan Baginda sebelum daripada peristiwa Agong ini. Antaranya penentangan berterusan daripada pihak musuh sehingga ingin membunuh Baginda serta kehilangan dua insan yang tersayang dalam kehidupan Baginda.

Oleh itu, sebagai seorang Muslim yang beriman, kita hendaklah sentiasa bersangka baik kepada Allah ﷻ dan bersabar atas setiap ujian yang diterima ketika hidup di dunia ini. Sebagaimana firman Allah dalam Surah al-Baqarah ayat 153:

يَا أَيُّهَا الَّذِينَ ءَامَنُوا اسْتَعِينُوا بِالصَّبْرِ وَالصَّلَاةِ إِنَّ اللَّهَ مَعَ الصَّابِرِينَ ﴿١٥٣﴾

Maksudnya: “Wahai sekalian orang-orang yang beriman! Mintalah pertolongan (untuk menghadapi susah payah dalam menyempurnakan sesuatu perintah Tuhan) dengan bersabar dan dengan (mengerjakan) solat; kerana sesungguhnya Allah bersama (menolong) orang-orang yang sabar.”

SIDANG JUMAAT YANG DIMULIAKAN,

Hikmah yang **ketiga** pula ialah **beriman kepada perkara ghaib** yang tidak dapat dilihat oleh mata kasar manusia. Sebuah hadis yang diriwayatkan oleh at-Tabrani dan al-Bazzar menyebut bahawa, ketika peristiwa Mikraj berlaku Baginda ﷺ telah melalui penempatan beberapa kaum yang hidup mereka penuh dengan kemaksiatan.

Antaranya mereka yang malas mendirikan solat, enggan menunaikan zakat, bergelumang dengan wang riba, suka mengumpat, menyebarkan fitnah, berzina, bersikap sombong dan mengkhianati janji. Ini menggambarkan betapa besarnya azab seksa yang akan menimpa umat

Nabi Muhammad ﷺ sekiranya melakukan maksiat dan derhaka kepada Allah ﷻ.

Seterusnya, Nabi ﷺ telah diperlihatkan syurga dengan pelbagai nikmat yang disediakan untuk hamba-hambanya yang beriman. Baginda juga diperlihatkan neraka dengan pelbagai seksaannya yang dahsyat. Juga dibawa melihat ke suatu lembah yang nyaman dan dingin, anginnya membawa bauan wangi harum semerbak bagai kasturi. Apabila Rasulullah ﷺ bertanya, Jibril lantas menjawab itulah suara syurga yang merayu memohon agar Allah membalas apa-apa yang dijanjikan, walaupun mereka sedang menikmati berbagai-bagai nikmat syurga, namun syurga masih memohon lagi nikmat yang lebih besar sebagai ganjaran kepada orang yang beriman dan beramal soleh.

SIDANG JUMAAT YANG DIRAHMATI ALLAH,

Marilah kita bersama-sama menghayati intipati daripada khutbah yang dibacakan tadi:

1. Ibadah solat merupakan hadiah unggul yang diberikan secara langsung kepada Nabi Muhammad ﷺ sewaktu peristiwa Israk dan Mikraj.
2. Manusia yang beriman akan sentiasa bersabar dan bersangka baik kepada Allah ﷻ dalam menghadapi apa jua ujian dan musibah.
3. Beriman kepada perkara ghaib akan menambahkan keyakinan kita kepada Allah dalam setiap amal ibadah yang dikerjakan di dunia ini.

Firman Allah dalam Surah Qaf ayat 1-3:

بِسْمِ اللَّهِ الرَّحْمَنِ الرَّحِيمِ

ق وَالْقُرْءَانِ الْمَجِيدِ ۝ بَلْ عَجِبُوا أَنْ جَاءَهُمْ مُنْذِرٌ مِنْهُمْ فَقَالَ الْكَافِرُونَ هَذَا شَيْءٌ عَجِيبٌ ۝ أَعِذَا مِتْنَا وَكُنَّا تُرَابًا ذَلِكَ رَجْعٌ بَعِيدٌ ۝



Maksudnya: “Qaaf. Demi Al-Quran yang melimpah-limpah kemuliaan dan kebbaikannya (bahawa sesungguhnya Muhammad adalah Rasul yang diutus memberi peringatan dan amaran). (Kaum musyrik Mekah bukan sahaja mengingkari kerasulannya) bahkan mereka merasa hairan kerana datang kepada mereka, dari kalangan mereka sendiri, seorang Rasul pemberi peringatan dan amaran (mengenai perkara hidup semula sesudah mati); lalu orang-orang yang kafir itu berkata: Ini adalah satu perkara yang menakjubkan! Adakah (kita akan kembali hidup) sesudah kita mati dan menjadi tanah? Itu adalah cara kembali yang jauh (dari kemungkinan, kerana jasad yang telah hancur tidak dapat diketahui lagi).”

بَارَكَ اللَّهُ لِي وَلَكُمْ فِي الْوَحْيَيْنِ، وَنَفَعَنِي وَإِيَّاكُمْ بِمَا أُنْزِلَ عَلَى سَيِّدِ الثَّقَلَيْنِ، وَتَقَبَّلَ مِنِّي وَمِنْكُمْ طَاعَتَهُ لِسَعَادَةِ الدَّارَيْنِ، أَقُولُ مِنْ قَلْبِي الْحَنِينِ، وَأَسْتَغْفِرُ اللَّهَ الْعَظِيمَ لِي وَلَكُمْ أَجْمَعِينَ، وَلِسَائِرِ الْمُسْلِمِينَ وَالْمُؤْمِنِينَ، الْأَحْيَاءِ مِنْهُمْ وَالْمَيِّتِينَ، فَاسْتَغْفِرُوهُ يَا فُوزَ الْمُسْتَغْفِرِينَ، وَأَنْتَ أَرْحَمُ الرَّاحِمِينَ.



Khutbah Kedua Bulan Mac

2022M/ 1443H

الْحَمْدُ لِلَّهِ عَلَى الْآلَاءِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحُشْنِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِينَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ،
وَاعْمَلُوا بِطَاعَتِهِ وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرِ بَدَأَ فِيهِ
بِنَفْسِهِ؛ فَقَالَ - عَلِيمًا حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 5 6]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ، الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan
Agong, Al-Sultan Abdullah Ri'ayatuddin Al-Mustafa Billah Shah Ibni



Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْعَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.

Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.

Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾
فَاذْكُرُوا اللَّهَ الْجَلِيلَ يَذْكُرْكُمْ، وَاشْكُرُوا عَلَى نِعَمِهِ يَزِدْكُمْ،
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾

